



बिबुंसार खोन्दो- II

NO. ALA BLTN (PART II) 2022/2023/71

24 नवेम्बर, 2025

(7 आघन, 1432 भास्कराब्द)

गोजां बोथोरनि जथुम-2025 नि सोमोन्दै मिथिसार

आसाम आयेन आफाद नेहाथारिख'

दिसपुर, गुवाहाटी-781006

बिबुंसार खोन्दो -II

(आरांगा मावख' दालाइ)

गावारि सोद्रोमाफोरनि थांखि 28.11.2025 खालारनि थाखाय

सोद्रोमाफोरनि मुं:

आयदा:

1) मुस्त्रि कमलाक्ष दे पुरकायस्थ: “बे बाश्राफोरनि फारसे नोजोर होनाई -

(i) काचार जिलानि काटिगरग जाबाय मोनसे जोबोर गोथौ आरो बुहुमखौराडारि जोबोर दावगायै हालाम, बेयो गोब्राब आरो हान्थामेला गैयै जायगा ;

(ii) काटिगरगनि थागिरिफोरा आरो बेनि खाथि खालानि सुबुंफोरा चिलचरसिम थांलाय फैलाय खालामनो थाखाय जोबोर जेंनाजों मोगा-मोगि जानाडो, जिला सदराव, गोनांथार मावख'वारि खामानि एबा राइजोनि सोमोन्दो गोनां हाबाफोरनि थाखाय सानसेयाव थांना फैफिननाया गोरलै नडा; आरो

(iii) दावबायनायनि खरसा जोबोर बांसिन, गोबां सुबुडानो निखावरि सिमा हांखोनि सिडाव लोरबां रांखान्थि थासारिजों राइजो जानाय, बे हालामाव राइजो जानाय सुबुंनि सायाव गोनांथि गैयै नारसिननाय, बिसोरनि सरखारि सिबिथाइ आरो जौगाखां खाबु मोननायाव गोहोम गोलैदों;

बे जथुमा सरखारखौ खावलायो दि -

(क) काटिगरगखौ समान जिला महरै गोखैनो फोसावनायनि राहा लानाय; आरो

(ख) गिदिरथार हालामनि सुबुंफोरनि साबसिन राहानि थाखाय, सुबुं सिबिथाइ जौगाहोनाय, फोनांजाब राहाखौ जौगाहोनायनि थाखाय नांगौबादि गासै खुंथाइयारि राहाफारि आजावनाय ।”

2) मुस्त्रि देवव्रत शइकीया: } “बे जथुमा सरखारखौ खावलायो दि -
मुस्त्रि दिगन्त बर्मन: }

(i) आबादजों सोमोन्दो थानाय खोन्दोखौ जौगाखांनायनि थाखाय होग्रोथाइ होनाय आरो आसामनि साहा दारिमिना गोबाव समनि जेंनाफोरजों मोगा-मोगि जानो थाखाय गोहोम गोनां राहा लानाय, राज्योनि साग्लोबसार रांखान्थियारि बिथाखौ गोखों खालामनायनि थांखिजों ;

- (ii) आबादारिनि आय बांहोनाय, आबाद आरो बागाननि दिहुनथाइ बांहोनाय आरो हा गैजायै साहा मावदांसानो हा पात्ता होनायखौ लानानै साहा बागाननि मावदांसानि अरायथा जेंना फोजोबनायनि थाखाय गासै गोनांथि राहा लानाय ; आरो
- (iii) राज्योनि गासै साहा मावदांसानि साग्लोबसार जौगानाय आरो अनसायनि थाखाय जुनिया राडारि अनसुंथाइ होनायनि बाथ्रा नायबिजिरनाय ।”

3) मुस्त्रि जाकिर हुसेइन सिकद्दार: “बे जथुमा सरकारखौ खावलायो दि-

- (i) सा-सानजा हालामाव, जुनियायै आसामाव, जेराव केनचार बेरामिनि बिबाडा गिखंथावै बारायदों, बिदि बिथिडाव केनचार बेरामनि बांलांनायखौ होबथानो थाखाय गोनांथिबादियै राहा लानाय;
- (ii) मुलि जगायनायखौ लानानै सिगांग्रो हमदांनो हानाय, समबादियै निदान आरो खम बेसेनाव फाहामथाइ होनायनि सायाव जुनिया गोनांथि होनानै गासै राज्योआवनो जौगाखां केनचार फाहामथाइनि खाबुफोरखौ गोख्रों आरो बांहोनाय; आरो
- (iii) केनचार बेरामिनो आबुडै बेसेननाडै फाहामथाइ होनायनि नांगौबादि राहा लानाय, जाहाथे गासै जिउ बे बेरामजों जुजिनांनाय न’खरा गोब्राब रांखान्थियारि जेंना आरो गोलाव सम रांखान्थियारि जेंनानिफ्राय रैखाथि मोनो ।”

4) आलहाज आब्दुर रसिद मन्दल: “बे बाथ्राफोरनि फारसे नोजोर होनानै -

- (i) 1947 मायथाइनिफ्राय आसामाव खनले खनले गिखंथाव दैबाना, दैमानि हा खुरखानाय, हा गुगानाय, हारियारि दाडाबाजि आरो गुबुन गुबुन मिथिंगायारि आरो समाजारि जेंना सोमजिदों, जायनि थाखाय गासै राज्योआवनो लाख लाख न’खरा थावनि सोलायनांदों;
- (ii) बे खनले खनले जानाय जाथाइनि समाव मोन 1000 फ्राम गामिया आबुडै एबा खावसे बाहागो खहा जादों, जायनि थाखाय सानथ्रहायि न’खर हा गैजायै आरो रांखान्थियारि लोर्बा जालांदों;
- (iii) बे हा गैजायै न’खरफोरनि खायफाखौ सरखारा सम सम थाथिलि गायसननाय, हा होनाय एबा फिन फसंफिननाय राहा लानाय समावनो गोबां बिबांनि न’खर सरखारि खास हा, गोलैसोनाय बेंथेजानाय हाग्रा ओनसोल (पिजिआर), गामिनि गोलैसोनाय बेंथेजानाय हाग्रा (भिजिआर), चर ओनसोल आरो गुबुन गुबुन गोलैसोनाय थावनियाव गावबा गावनो न’ गायसनजानाय

जागासिनो दं, जायफोर गोबाडानो बावैसो बोसोरफोराव होखांजानाय जागासिनो;
आरो

(iv) अरायथा, दाथाइयारि, आरो फिन गायसनफिननाय दाथाइ गैयैया आसामाव
थानाय हा खुरखानायजों गोहोम गोलैनाय आरो थावनि सोलायनांनय
हायुंसाफोरनि थाखाय जेंना सोमजिदों; बे जथुमा सरखारखौ खावलायो दि -

(क) आसामाव थानाय हा गैजायै आरो हा खुरखानायजों गोहोम
गोलैनाय भारतारि हायुंसानि अरायथा फिन गायसनफिननायनि थाखाय
मोनसे गुवार खान्थि आजावनाय आरो मावफुंनय;

(ख) सरखारि नेमखान्थि आरो बिखान्थि बादियै गोख्रोडै बिदि
न'खरफोरखौ रैखाथि हा होनाय एबा थाग्रा थिलिनि राहा खालामनाय;
आरो

(ग) फिन गायसनफिननाय राहाया जाहाथे गासै खहाजों मोगा-मोगि
जानाय न'खरनि थाखाय गोलाव समनि थाखाय थाथाइ, रांखान्थि-
समाजारि जौगाखां, आरो सुबुंथिनि मानखौ फेहेरो बेखौ रोखा
खालामनाय ।”

5) मुस्त्रि आब्दुल बाटिन खन्दकार: “बे जथुमा सरखारखौ खावलायोदि सा अभयापुरि आयेन आफाद
बियाबनि सिडाव मानास दैमा आरो गुबुन गुबुन दैमानि सायाव आरचिचि दालां
लुनायनि थाखाय राहा लानांगौ(सिमा थि खालामनायनि उनाव सृजनग्राम आयेन
आफाद बियाब मुंजों सोलायनाय जादों), जाहाथे फोनांजाब राहाया जौगायो,
सुबुंनि रैखाथि रोखा जायो आरो ओनसोलनि रांखान्थियारि-समाजारि
जौगानायनि खाबु मोनो ।”

मुंसाइ- दि. पेगु
नेहाथारि
आसाम आयेन आफाद
